



Broj: 05-3661-5/16
Sarajevo, 04. 10. 2016. godine

Na temelju člana 64. stav (1) tačke b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stav (1), (3) i (6) Zakona, preporuke komisije iz Zapisnika o pregledu i ocjeni ponuda broj: 05-3661-4/16 od 27. 09. 2016. godine i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku javne nabavke usluga održavanja telefonske centrale i telefonskih aparata

Član 1.

Prihvata se preporuka komisije za provođenje postupka javne nabavke usluga održavanja telefonske centrale i telefonskih aparata za potrebe Agencije za bankarstvo Federacije BiH (u nastavku: Agencija) putem postupka konkurentskog zahtjeva za dostavu ponuda i okvirni sporazum se dodjeljuje ponuđaču TELERAD d.o.o. Sarajevo, na period od godine dana od dana obostranog potpisivanja okvirnog sporazuma.

Član 2.

Ukupna ponuđena cijena predmetnih usluga iz člana 1. ove odluke, koja je uzeta u obzir u svrhu postizanja usporedivosti ponuda odnosno njihovog vrednovanja za potrebe odabira najpovoljnijeg ponuđača, iznosi 3.469,00 KM, bez poreza na dodanu vrijednost (PDV), što u konačnici, s uračunatim PDV-om, iznosi 4.058,73 KM.

Član 3.

U skladu s članom 70. stav (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

Član 4.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Agencija je pokrenula postupak javne nabavke usluga održavanja telefonske centrale i telefonskih aparata Odlukom o pokretanju postupka javne nabavke broj: 05-3661/16 od 19. 09. 2016. godine. Obavještenje o nabavci predmetnih usluga objavljeno je na Portalu javnih nabavki dana 19. 09. 2016. godine pod brojem 3010-7-2-134-3-25/16.

Javna nabavka je provedena putem konkurentskog zahtjeva za dostavu ponuda, s namjerom zaključivanja okvirnog sporazuma s jednim ponuđačem, na period od godine dana od dana stupanja na snagu okvirnog sporazuma. U skladu s odredbama člana 64. stava (1) tačke b) Zakona, Agencija je po ovom postupku odabrala kriterij najniže cijene tehnički zadovoljavajuće ponude.

Procijenjena vrijednost javne nabavke okvirnog sporazuma iznosu 12.000,00 KM, bez uračunatog PDV-a.

U skladu s Obavještenjem o nabavci i Tenderskom dokumentacijom (u nastavku: TD), javno otvaranje ponuda obavljeno je u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-3661-3/16 od 26. 09. 2016. godine, u kojem je konstatovano da je ponudu po ovom predmetu nabavke dostavio ponuđač TELERAD d.o.o. Sarajevo. Detaljnom analizom ponude navedenog ponuđača, kao jedine zaprimljene po predmetnom postupku nabavke, komisija je ustanovila da ista u cijelosti ispunjava sve zadane uslove i zahtjeve u pogledu opisa predmeta nabavke i tehničke specifikacije, definisane TD, te je ponudu ocijenila kao prihvatljivu.

U vezi s navedenim, a saglasno članu 69. stav (1) tačke a) Zakona, komisija je jednoglasno predložila da se okvirni sporazum u postupku javne nabavke usluga održavanja telefonske centrale i telefonskih aparata za potrebe Agencije, dodijeli ponuđaču TELERAD d.o.o., što je evidentirano u Zapisniku o pregledu i ocjeni ponuda, broj i datum iz uvodnog dijela ove odluke.

Uvažavajući navedeno, direktor Agencije prihvatio je prijedlog komisije te donio odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- učesniku u postupku „TELERAD“ d.o.o. Sarajevo
- a.a.